

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** He taonga te puoro

**Aronga:** Toi Puoro 1.1A

**Paerewa Paetae:** Toi Puoro 1.1

**Kaupae:** 1

**Whiwhinga:** 5

### He Tohutohu mā te Ākonga

#### I tēnei ngohe

I tēnei ngohe, ka rangahau koe i ngā whakapapa o tētahi taonga puoro Māori.

#### Te horopaki

Ko tāu nā mahi he whakarite whakaaturanga mō ngā whakapapa o tētahi taonga puoro Māori.

Māu tētahi taonga puoro e kōwhiri hei kaupapa rangahau māu. Kātahi ka whakarite whakaaturanga koe mō te/ngā whakapapa e hāngai ana ki taua taonga.

Ka aromatawaingia tāu whakaatu māramatanga ki ngā whakapapa o tētahi taonga puoro Māori.

#### Hei mahi

Kōwhiria tētahi taonga puoro hei kaupapa rangahau māu. Kei a koe te tikanga mō te momo taonga. Hei tauira pea, ko te pūtōrino, te pūtātara, te kōauau, te pongāihu, te poi piu, te mea, te mea.

Āta rangahaua ngā whakapapa mō taua taonga puoro. Ko ngā kōrero tērā e hāngai ana ki ngā atua, tipua, taiao, kōrero tuku iho/kōrero ā-iwi, tae atu ki ngā kōrero katoa mō te pūtakenga mai o taua taonga, kia puta ia ki te whaiao, ki te ao mārama. Ko te tūmanako ia, kia kimihia, kia rangahaua ngā kōrero nō tōu ake iwi/rohe.

Whakaritea mai tāu nā whakaaturanga. Kei a koe anō te tikanga mō te momo whakaaturanga, arā pea, he waiata, he kauhau, he hopunga ataata, he whakaari, he aha atu rānei. Ko te tikanga ia, kia whakamārama, kia whakamāori atu koe i ngā whakapapa me ngā kōrero pūtake kua kitea e koe.

## Kōrero Āpiti

ariā toi puoro	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko te ariā toi puoro ko ngā kōrero whakapapa o tētahi taonga puoro.</p>
----------------	---